

Broj: 06-03-1605-18/27/09
Mostar, 16.07.2010. godine

Na osnovu člana 79. stav (2) Zakona o električnoj energiji (Službene novine Federacije BiH, broj 41/02, 24/05, 38/05, 61/09), člana 12. stav (1) i člana 14. stav (1) Statuta Regulatorne komisije za električnu energiju u Federaciji Bosne i Hercegovine (Službene novine Federacije BiH, broj 13/04) člana 29., člana 31. stav (2), člana 37. stav (3), člana 45. stav (1) i člana 62. Poslovnika o radu Regulatorne komisije za električnu energiju u Federaciji Bosne i Hercegovine (Službene novine Federacije BiH, broj 59/04), člana 4., člana 5., člana 8., člana 9., člana 10., člana 11. i člana 16. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine (Službene novine Federacije BiH, broj 37/05), člana 16. Pravilnika za izdavanje dozvola - licenci (Službene novine Federacije BiH, broj 29/05) i Odluke FERK-a broj 06-03-1605-17/27/09 od 16.07.2010. Regulatorna komisija za električnu energiju u Federaciji Bosne i Hercegovine-FERK, na IX redovnoj sjednici održanoj 16.07.2010. godine je donijela sljedeću

ODLUKU

Član 1.

Opšta rasprava o Nacrtu dozvole za rad – licence za obavljanje elektroprivredne djelatnosti snabdijevanja električnom energijom drugog reda po Zahtjevu za izmjenu dozvole za rad-licence broj 06-03-1605/27/09 od 28.12.2009. godine, podnosioca zahtjeva Alpiq Energija BH d.o.o., u postupku izmjene naziva i sjedišta imaoca Dozvole za rad - licenca za obavljanje elektroprivredne djelatnosti snabdijevanja električnom energijom drugog reda Atel BH d.o.o Sarajevo broj 06-03-1101/20/08 od 28.01.2009. godine održat će 19.08.2010. godine se u 11 sati, u prostorijama FERK-a, u Mostaru

Član 2.

- (1) Imenuje se Monija Nogulić, specijalist za distributivnu djelatnost, za voditelja postupka opšte rasprave o Nacrtu dozvole za rad-licence za obavljanje elektroprivredne djelatnosti snabdijevanja električnom energijom drugog reda po Zahtjevu za izmjenu dozvole za rad-licence, podnosioca zahtjeva Alpiq Energija BH d.o.o. Zadatak voditelja postupka je uspostavljanje postupka za raspravu u skladu sa pravilima i propisima FERK-a i predsjedavanje raspravom.
- (2) Po zaključivanju postupka opšte rasprave, voditelj postupka iz stava (1) ovog člana, dužan je napraviti pisani izvještaj sa preporukom za razmatranje FERK-u, u roku od 10 dana, a po potrebi može dati i usmeni izvještaj FERK-u na internom sastanku ili redovnoj sjednici, te preporuku za donošenje odluke FERK-a.

Član 3.

Regulatorna komisija za električnu energiju u Federaciji Bosne i Hercegovine – FERK
Blajburških žrtava 33, 88000 Mostar

Tel./036/ 44 99 00, /036/ 44 99 01; Fax: /036/ 333-507, /036/ 333-508

kontakt@ferk.ba www.ferk.ba

- (1) Obavještenje za javnost o opštoj raspravi o Nacrtu dozvole za rad-licence za obavljanje elektroprivredne djelatnosti snabdijevanja električnom energijom drugog reda po Zahtjevu za izmjenu dozvole za rad-licence, podnosioca zahtjeva Alpiq Energija BH d.o.o., objavit će se u Dnevnom listu i Dnevnom avazu, kao i na web stranici FERK-a 19.07.2010. godine.
- (2) Tekst Obavještenja za javnost o opštoj raspravi o Nacrtu dozvole za rad-licence za obavljanje elektroprivredne djelatnosti snabdijevanja električnom energijom drugog reda po Zahtjevu za izmjenu dozvole za rad-licence, podnosioca zahtjeva Alpiq Energija BH d.o.o., je sastavni dio ove odluke.
- (3) Zainteresovana pravna i fizička lica mogu podnositi pisane komentare na Nacrt dozvole za rad-licence za obavljanje elektroprivredne djelatnosti snabdijevanja električnom energijom drugog reda po Zahtjevu za izmjenu dozvole za rad-licence, podnosioca zahtjeva Alpiq Energija BH d.o.o., na adresu FERK-a ili na elektronsku adresu FERK-a, u periodu od 19.07.2010. do 20.08.2010.

Član 4.

Ova odluka stupa na snagu danom donošenja, te se objavljuje na oglasnoj tabli i web stranici FERK-a.

O b r a z l o ž e n j e

Članom 29. stav (1) Poslovnika o radu FERK-a i članom 4. Pravilnika o javnim raspravama i rješavanju zahtjeva i žalbi FERK-a propisano je koje vrste javnih rasprava FERK može voditi tokom postupaka opisanih pred FERK-om, kao i kako FERK zadržava diskreciono pravo definisanja vrste rasprave koja će se provesti u bilo kojem postupku koji se treba da održati pred FERK-om.

Članom 29. stav (2) Poslovnika o radu FERK-a i članom 5. Pravilnika o javnim raspravama i rješavanju zahtjeva i žalbi FERK-a propisano je kako se opšta rasprava vodi u cilju saslušanja komentara zainteresovanih lica i javnosti na pravilo, propis ili bilo koji drugi dokument predložen od FERK-a, kao i njihovog razmatranja i eventualnog prihvatanja, te kako FERK propisuje način dostavljanja pismenih komentara, kao i mjesto, vrijeme i način održavanja opšte rasprave. Članom 8. Pravilnika o javnim raspravama i rješavanju zahtjeva i žalbi FERK-a propisano je da postupak opšte rasprave počinje odlukom FERK-a na redovnoj sjednici, kojom se propisuje predmet opšte rasprave, način dostave komentara javnosti, mjesto i vrijeme održavanja opšte rasprave i imenuje voditelj postupka, dok je članom 10. istog pravilnika propisan, uz ostalo, sadržaj Obavještenja za javnost, kao i da FERK objavljuje Obavještenje o opštoj raspravi, te kako se Obavještenje za javnost objavljuje u jednom ili više pisanih medija koji izlaze na cijeloj teritoriji Federacije Bosne i Hercegovine i na web stranici FERK-a ne kasnije od osam dana prije datuma održavanja opšte rasprave, dok je članom 11. ovog pravilnika propisan cilj Obavještenja za javnost.

Članom 62. Poslovnika o radu FERK-a određeno je kako FERK može delegirati svoja ovlaštenja jednom članu FERK-a ili licu zaposlenom u FERK-u da bude voditelj postupka u bilo kojem postupku FERK-a da bi se osiguralo funkcionisanje FERK-a. Član 9. stav (2) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine propisuje kako voditelj postupka predsjedava opštom raspravom i vodi raspravu u skladu sa pravilima i propisima FERK-a, te osigurava vođenje odgovarajućih zabilješki tokom rasprave i priprema pisani izvještaj, koji sadrži kratak pregled toka rasprave i preporuke za razmatranje FERK-u, a može podnijeti i dodatni usmeni izvještaj na internim sastancima i redovnim sjednicama FERK-a, dok je članom 16. istog pravilnika propisano i kako voditelj postupka pisani izvještaj dostavlja stranama u postupku i svaka strana ima mogućnost dostaviti komentare na izvještaj za razmatranje FERK-u prije konačnog odlučivanja.

FERK je na IX redovnoj sjednici održanoj 16.07.2010. godine, usvojio Nacrt dozvole za rad-licence za obavljanje elektroprivredne djelatnosti snabdijevanja električnom energijom drugog reda po Zahtjevu za izmjenu dozvole za rad-licence podnosioca zahtjeva Alpiq Energija BH d.o.o., koji se, u skladu sa navedenim upućuju u postupak javnih rasprava.

Na osnovu svega navedenog odlučeno je kao u dispozitivu.

PREDSJEDNIK FERK-a:
Zdenko Šimunović s.r.